

史记正义佚文辑校序

王利器

《史记》三家注，裴骃《集解》、司马贞《索隐》，俱有单行本，而张守节《正义》俄空焉。自宋人以三家注合刻行世，《正义》虽赖以流传，而合刻本颇有以臆裁并者，盖非原书之旧矣。故《四库全书提要》、钱大昕《十驾斋养新录》卷六、钱泰吉《甘泉乡人稿》卷五《校史记杂识》、张文虎《史记札记》俱以为三家注合刻本于《正义》多所刊落，且言之有物矣。日本泷川资言《史记会注考证》云：“吾读三家书，益知三注本所录《正义》多削落甚多也。偶翻东北大学所藏庆长、宽永活字本《史记》，上栏标记《正义》一千二三百条，皆三注本所无，但缺《十表》。其后，又得桃源《史记抄》、幻云《抄》、《博士家史记异字》，所载《正义》略与此合。幻云标记《桃源抄》云：‘幻谓小司马、张守节皆唐明皇时人也，而《索隐》不知《正义》，《正义》不知《索隐》，各出己意而注正之。今合《索隐》、《正义》为一本者，出于何人乎哉？蕉了翁亦未详焉，况其余哉？吾邦有《索隐》本，有《正义》本，《索隐》与此注所载大同，《正义》者此注所不载者夥，故诸本之上书之。’余于是知大学本标记之所由，欣喜不能措，手录以为二卷，题曰《史记正义佚存》。”又云：“今录之《会注》《正义》各条，略复张氏之旧云。”独惜其“所采《正义》佚文，皆不注明其所依。”其后有水泽利忠“得睹上杉氏所藏南宋黄善夫本《校记》等二十数种，

乃获资言所未见佚文凡二百数十条；且《会注考证》所采《正义》佚文，皆不注明其所依，是为可憾，今一一明所据以便学者”，于是有《史记会注考证校补》之作，足以“光照先贤之遗业，而裨补《史记》之研究”，二氏信《正义》之功臣，而为研究《史记》者之益友也。

余治《史记》，以三家注为释疑辨惑之资，而于《正义》之详于地理掌故，尤所究心焉。如于《五帝本纪》云：“武后改倭国为日本国。”于《夏本纪》云：“又倭国，武皇后改曰日本国。”以日本国名为武则天所改，守节去则天时不过三十许年耳，以唐人而言唐事，其言当可信赖，而国人及日本学人初未有言及之者，此则亟当表褻之于世者也。又尝读邵懿辰《礼经通论·论高堂生传十七篇》云：“《史记正义》引阮孝绪《七录》，谓：‘博士侍其生得十七篇。’侍其生不知何人，必在高堂生后，无他书可证也。”今案：《史》、《汉》《儒林传》俱言高堂生传《礼》十七篇，初不言有所谓侍其生者。寻《元和姓纂·七志》：“侍其：汉广野君酈食其元孙赐，以食为氏，曾孙武，平帝时为侍中，改为侍其氏焉。”则侍其之得姓，当汉平帝时。《史记·儒林传·索隐》引谢承曰：“高堂生，秦季鲁人，高堂伯。”则高堂生去侍其之得姓亦云遥远矣。《礼经通论》引《七录》此文，初不言其所本，当出于稗贩、彼虽视为疑以传疑，实亦讹以传讹云尔。今读泷川本《儒林传正义》引《七录》云：“《古礼经》五十六篇，莫敢传者，后博士传其书，得十七篇。”则“侍其生”乃“传其书”形近之误，在昔蓄疑，一旦涣然冰释，何快如之。

《史记会注考证》初出，国人颇有疑之者，今得水泽利忠为之一一详见出处，并补所未逮，元元本本，庶几可以执悠悠之口矣。丙子年（一九三七），四川大学教授李炳英先生曾就泷川资言本编有《史记正义佚文纂录》，当日者，水泽《校证》，尚未问世，而川大《佚文纂录》本印数又少，流传必不广泛。辛酉（一九八一）春，余应北京大学之聘，为历史系诸生讲授《史记》，即以泷川资言《史记会注

考证》为讲义，历史系教师张衍田同志乃率七八级学生十人就泷川本及水泽本所辑《正义》佚文，最录为《史记正义佚文辑校》，共得一千六百四十五条，虽未敢颂言复张氏之旧，亦云富矣。书既成，问序于余，爰乐而识其缘起如此。藏用甫王利器识，一九八一年十二月二十日于北京北新桥争朝夕斋。

章学诚的生年

章学诚生年，日本内藤虎次郎的《章宝斋先生年谱》（见《支那学》卷一，第三第四两期）、胡适的《章宝斋先生年谱》，都据《章氏文集·任幼植别传》“君与余同乾隆三年戊午生”一语，以此为章氏生年，宜若可信然。但据《乾隆戊子科顺天乡试易经三房同门姓氏录》载：

副榜，章学诚，字实斋，号少巖，行六，庚申年九月二十九日申时生，浙江绍兴府会稽县监生，民籍，习《易经》。

并载这一科同考官为秦承恩。这个材料说明了几个问题：

- ①章氏号少巖；
- ②行六；
- ③庚申年九月二十九日申时生；
- ④未中举前，为浙江绍兴府会稽县监生；
- ⑤以《易经》中乾隆戊子科顺天乡试副榜；
- ⑥同考官为秦承恩。

这些，都可补内藤、胡适二谱之缺。至于生年有出入一节，则是科举时代官年例行减少的通弊，王渔洋《池北偶谈》卷二写道：

三十年来，士大夫履历，例减年岁，甚或减至十余年，即同人宴会，亦无以真年告人者，可谓薄俗。案《洪容斋四笔》，宋时有真年官年之说，至形于制书，乃知此风，由来远矣。独寇莱公不肯减年应举。又《司马朗传》：“伯达志不减年以求成。”则汉魏间已有之。

窃疑章氏生年，以《任幼植别传》所说为真，其月日时辰，则《同门姓氏录》所载属实。